

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI/ZASTUPNIČKI DOM**



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ**

Sarajevo, 25.04.2025. godine

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

n/r predsjedavajućeg, gđin. Denis Zvizdić

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 25-04-2025			
Organizaciona jedinica	Klasifikaciona oznaka	Redni broj	Broj priloga
01-	10-1-	1051	25

Na osnovu člana 166. i 170. Poslovnika Predstavničkog doma Parlamentarne skupštine BiH ("Službeni glasnik BiH", br 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) podnosim sljedeće

ZASTUPNIČKO PITANJE

Dana 16.12.2024. godine objavljeni su javni pozivi Ministarstva zaštite okoliša i zelene tranzicije Republike Hrvatske za dodjelu sredstava za projekte ublažavanja i prilagodbe klimatskim promjenama u Bosni i Hercegovini, te Ministarstva regionalnog razvoja i fondova Europske unije Republike Hrvatske za Program prekogranične saradnje između Republike Hrvatske i Bosne i Hercegovine za 2025. godinu.

Među definisanim područjima koja su prihvatljiva za realizaciju projekata i programa u Bosni i Hercegovini su: Zapadnohercegovački kanton, Hercegovačko-neretvanski kanton, Posavski kanton, Srednjobosanski kanton, Zeničko-dobojski kanton, Tuzlanski kanton, Kanton Sarajevo, Kanton 10, Banja Luka, Derventa, Prijedor, Bosanski Brod i Brčko distrikt, a izostavljeno je područje Unsko-sanskog kantona.

Uzimajući u obzir da Unsko-sanski kanton na sjeverozapadnom dijelu Bosne i Hercegovine ima granicu sa Republikom Hrvatskom u dužini državne granice od 242 km što je više od 1/4 ukupne granice između dvije države, zatim tradicionalno dobre veze i saradnju gradova i općina Unsko-sanskog kantona sa susjednim općinama u Republici Hrvatskoj, molimo Vas da mi dostavite odgovore na sljedeća pitanja:

- Na koji način su institucije Bosne i Hercegovine i Republike Hrvatske bile uključene u kandidiranje i odabir područja prihvatljivih za realizaciju projekata i programa u Bosni i Hercegovini?
- Koji su bili kriteriji za odabir područja prihvatljivih za realizaciju projekata i programa u Bosni i Hercegovini?
- S obzirom na zainteresiranost gradova i općina sa područja Unsko-sanskog kantona za učešće u navedenim javnim pozivima može li Vijeće ministara Bosne i Hercegovine uputiti inicijativu prema Vladi Republike Hrvatske za njihovo ravnopravno uključivanje u ove i buduće projekte i programe prekograničnog umrežavanja i jačanja kapaciteta, realizaciju aktivnosti i mjera na ublažavanju i prilagođavanju klimatskim promjenama, kao i zajedničkim investicijskim i drugim projektima?

Pitanje postavljam Vijeću ministara Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine Bosne i Hercegovine.

**Zastupnik
Šemsudin Dedić**